



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 117. Burgus de hæresi convictus, atque ab Episcopo Parisiensi damnatus.

[urn:nbn:de:hbz:466:1-66800](https://nbn-resolving.org/urn:nbn:de:hbz:466:1-66800)

Sæcul. XVI.
A.C. 1559. inquiebat, quod iidem, nisi coram uni-
versa Curia, coactis in unum cunctis
classibus, in capitis iudicio causam
dicere permetterentur, ad id cogi
non possint: Tum vero novum di-
ploma Burdinus Pro-Cancellarius
a Rege impetrat, vi cuius Bur-
gus coram delegatis illis iudicibus re-
sponderet, atque nisi id faceret, pro
convicto haberetur, & perduellionis
pœnæ obnoxius teneretur. Ita Burgus
propter criminis atrocitatem, ut dictum
fuerat, Senatorio privilegio indignus
habebatur: verum ne Regis, cui se in
omnibus obedientem profitebatur, im-
perium detrectare videretur, morem
gessit, protestatione tamen prius facta,
ne fraudi sibi esset, aut inde privilegio
suo præiudicium inferretur.

§. CXVII.

*Burgus de hæresi convictus, atque ab
Episcopo Parisiensi damnatus.*

Thuan. l. c. Nihilominus Eustachius Bellajus Pa-
risiensis Episcopus, ut Burgum in
carcere detentum ad veritatis semitam
reduceret, eundem erroris convincere
unacum Doctoribus suis adlaborabat,
quinimo ut eidem magis adhuc expe-
dita suppeditaret media, quamdam ca-
tholicæ fidei expositionem ipsi tradebat,
quam

Sæcul. XVI.
A.C. 1559.

quam etiam Burgus se acceptare simulabat, petens, ut eidem charta, & atramentum afferretur: verum his ille unice utebatur, ut juxta hæresis suæ principia adversam fidei expositionem conscriberet, in qua tamen suam in rebus Theologicis inscitiam oppido manifestam reddebat. Hanc fidei professionem quanto citius Felicianus Ningarda de Valle Telinæ Comensis Episcopus confutabat, edito libro admodum erudito, qui tertio post anno Venetis literis excusus prodit. Postea Burgus coram iudicibus de fidei suæ confessione interrogatur, cum vero ejus responsa omnino falsæ Lutheri, ac Zwinglii doctrinæ consona essent, a Parisiensi Episcopo, quem reus tanquam suum Præsulem, ac iudicem agnoscebat, de hæresi convictus declaratur, statuiturque, ut sacerdotali Characterem tanquam indignus privaretur, eoque facto profanæ iudicum potestati puniendus traderetur: ab hac tamen sententia tanquam a iudice non legitimo Burgus appellabat ad Parisiensem Senatam, in quo publice præsentibus Lotharingio Cardinale, & Bertrando Archiepiscopo Senonensi, ac Cardinale hæc causa agitabatur, ac appellatio tanquam irrita declarabatur, reusque ad proprios suos iudices remittebatur: nihilominus Burgus duplicis appellationis

Sæcul. XVI
A C. 1559.

~~Quædam in fine huius sæculi~~

tionis remedio sese tueri nitebatur: provocabat enim ad Senonensem Archiepiscopum tanquam Metropolitanam suam, necnon ad Archiepiscopum Lugdunensem, qui erat illius Primas: ast in utroque hoc tribunali sententia adversus eum jamjam pronuntiata confirmabatur: tandem vero reus ad summum quoque Pontificem appellare voluit, id ei suadentibus ejus amicis: quinimo reipsa quoque provocasset, nisi ei exprobrari timuisset, quod bestiam adoraverit, prout Protestantes pudendo ore calumniari, atque illos carpere solent, qui Christi Domini Vicarium, ejusque auctoritatem reverentur: Itaque hujus calumnie metu absteritus ad Parisiensem Episcopum reducitur, a quo sacerdotali dignitate exutus profani Judicis potestati fuit traditus.

§. CXVIII.

Hastiludia in nuptiis Elisabethæ de Francia cum Philippo II. instituta.

*Spond. hoc
ann. n. 21.
Thuan. l. c.
Belcar.
comm. l. 28.
num. 31.*

Sub idem tempus in Franciæ aula cuncta parabantur ad celebrandas nuptias Elisabethæ natu majoris Galliarum Regis filix, quam Albæ Dux Philippi Regis nomine desponsaturus jamjam advenerat: ubi initum quoque erat tunc
matri-